

DEDICATION.

Danckbarkeit bemactlen wurde / als vberwindet so thane Erwegung / erst
angeregte sorgfältige Betrachtungen / vnd erkühnet mich so weit / daß mit
auffer Achtsetzung meiner Geringsfügigkeit ich nicht fernern Umgang
nehmen können / mein danckbares Gemüth in etwas / vnd so ferne bey die-
ser meiner Jugend / mein schwaches Vermögen dermahlen sich erstreckt /
erscheinen zu lassen. Zu dem Ende habe ich mich selbst zu exerciren
ein kleines Wercklin Paß Verwahrung genant / als gut ichs noch der
Zeit zuthun vermocht / in das Kupffer geradirt / vnd solches neben einer kurz-
zen Beschreibung / so meinen lieben Vattern hierüber auffzusetzen ich er-
betten / in Truck zu geben / vnd außkommen zu lassen / das Herz gefasset / vnd
dieses (weilen ohne das / mit E: E: E: Ecc: Ecc: Ecc: Gn: vnd Gstr: ho-
hen vnd vnsterblichen Ruhm / das dieselbige der Universal Architecturæ
vnd Pyroboliæ bestverständige sonderbare Liebhabere / vnd solche schöne
von hocherleuchten Ingeniis jederzeit mercklich favorisirten Künsten in
dero splendor vnd mehrer auffnehmen zubringen vnd zuerhalten löblichst
geneigt seyen / schon weit vnd breit erschollen) E. E: E: Ecc: Ecc: Ecc:
Gn: vnd Gstr: zu vnderthänigster contestirung meiner schuldigsten
Danckbarkeit / für die empfangene so vielfaltige höchste Begnadungen vnd
Wolthaten / in tieffester Demuth Dediciren vnd zuschreiben wollen / mit
vnderthänigster gehorsamer Bitte / Ihre vorhin mehrmalen mir erzeigte
gnädigste affection dahin noch weiter zu extendiren, vnd dero wehrtes-
ten hohen favor noch mit diesem zu accumuliren, daß sie dieses ge-
ringfügige Wercklin in gewöhnlichen Hulden vnd Gnaden vff vnd anzu-
nehmen / dessen sampt des Authoris, gnädigste Fautores vnd Beschutzer
zuseyn vnd zuverbleiben / auch selbige in ihrem höchst æstimirlichen Patro-
cinio vnd allen hohen beharlichen Gnaden zu conserviren, als bishero
von denselben Ruhmwürdigst beschehen / noch ferner geruhen vnd belieben
wollen; E: E: E: Ecc: Ecc: Ecc: Gn: vnd Gstr: hiemit des Allgewaltig-
en Gottes getrewen Schutz / zu aller an Leib vnd Seel wolgedewlicher
höchster